

almusen irhaben han noch lude vnd inhalde eyns ires virsigelten brieffes darvüber gegeben, das ich solliche zwei messe gewilliget vnd gefolbord han, willige vnd folborte die auch fehnwurtiglich in vnd mit crafst diesses mynes vffen brieffes, das die ewiglich gehalsten werden vnd gescheen ane myne vnd myner nachkummen insage in aller masse vnd wize, als der brieff dar ubber gegeben vzwieset vnd meldende ist, ane alles geuerde vnd argelist. Des zu warem bekentnisse han ich myn Ingesege an diessen vffen brieff gehangen. Datum anno domini millesimo quadringentesimo quadragesimo tertio ipso die corporis cristi.

V.

Pfarrer und Heiligenmeister zu Hedemünden bestätigen die Stiftung einer ewigen Lampe in der Michaeliskirche zu Hedemünden durch Heinrich Bargels und Hampe, seine Ehefrau.

1520 September 8.

Wyr Johannes Gunter, pharherre, Curt Rezen, Heinrich Bachauß, Hans Oleybüth, Albrecht Henzen, Deinhard Funcken, Rappe Stichtenothen, Heinrich Schrader, [Kun]rad Engel Engelß, Curt Heninges, heiligenmeister in Hedemen, bekennen in dusssem vffem brieffe vor vnß vnde ale vnse nakommen, pfarhern, Rad vnde heiligenmeistere, das wir vorwilligeth haben vnde vorwilligen in crafst dusses brieffes dem Erjsamen Heinrichen Bartzelß, Hamppen, syner elichen hüsfrawen, vnde allem orem geslechte, das vnser kerche vnde die heiligenmeister der kerchen eine ewige berninge lampen sollen halden in vnserm godeßhüsse vor dem heiligen sacramenth tagt vnde nacht bernen vnde lüchten zu eren dem almechtigen gode, Marien syner gebenedigeden mueder vnd allem hemelischen here, zu troeste allen gläuwigen selen dor vor die genanthen Heinrich vnde syne medegeschreben vns obgedachten pharheren, rad, heiligenmeistern vnde vnser kerchen gutlich unde wol zu danke bezalt vnde gegeben hath vertzick volwichtige rinsche gulden die wir an vnser kerchen nütz vnde des testamenteß deß